

四庫全書

史部

欽定四庫全書

欽定續通志卷五十五

金紀

九

宣宗

二

興定三年春正月丙子稅民種地畝議行均輸戊寅敕
和市邊城軍須無至配民定鎮戍征行軍官減資歷月
日格丙戌赫舍哩約赫德奏濠州香山村之捷帝謂侍
臣曰伐宋之事豈得已哉近日遣使實欲講和彼既不

從安得不用兵也免單丁民戶月輸軍須錢時元兵已
定太原河北事勢日亟集百官議備禦長久之計二月
宋許夏人會師來攻之約庚子帝與太子謀南征帥不
得其人歎曰天下之廣緩急無可使者朕安得不憂赫
舍哩約赫德敗宋人于滻甲辰詔尚書樞密雜議軍中
誅賞事宜宰臣請城守野戰將校有罪從七品以下許
便宜決罰餘悉奏裁帝曰將權太輕或至誤事自今四
品以下聽決乙巳攻宋光山縣俘其統制蔡從定等光

州以兵來援復敗之丙午帝謂宰臣曰江淮之人號稱
邈愞然官軍攻蔓菁嶠其衆困甚脅之使降無一肯從
我者我家河朔州郡一遇北警往往出降此何理也戊
申拔宋小江寨殺其統制王大蓬己酉取宋武休闢庚
戌元帥右都監承立奏獲夏統軍司文移有保境息民
之語詔尚書省議之宰臣言鎮戎靈平等鎮近耗夏人
數犯疆場此文正緩我爾宜嚴備禦以破奸計帝然其
言又曰頃近侍還自陝西謂博索已得鳳州如得武休

關將遂取蜀朕意殊不然假令得之亦何可守此舉蓋

為宋人渝盟初豈貪其土地邪朕重惜生靈惟和議早

成為佳爾已未行省安貞破宋梁縣等軍擒統制李申

之完顏薩布約赫德白石關平山砦之捷俱至三月丁

卯陝西兵破宋虎頭關取興元洋州

按續通鑑綱目載
金取武休關乘勝

入興元洋州復大舉圍棗陽宋將帥師攻唐鄧以救之
金史僅載取洋州後諸將各路攻克而未載完顏額爾

克棗陽之圍
附識于此

庚午破宋人于七口倉甲戌高麗先請朝

貢因遣使撫諭之使還表言道路不通俟平定後議通

欽命行省姑示羈縻勿絕其好戊寅完顏哈達破宋人于海林闕擒統制張時鄂屯沃哩布敗宋人于上津縣軍還至濠州宋人來拒約赫德擊走之完顏哈達敗宋人于馬嶺堡丙戌行省安貞破宋人于石堌山庚寅攻宋麻城縣拔之獲其令張倜等辛卯行省安貞破宋兵于塗山壬辰薩布敗宋兵于老口鎮又敗宋人于石鶻崖甲午錄用罪廢官副元帥富察伊爾必斯御史大夫永錫等詔太原等路州縣嗣正授官令民推其所愛為

長從行省量與職任及運解鹽入陝西以濟調度命胥
禹兼領其事閏月丙申朔以雄霸以東付權中都經畧
李奇嚙易州以西付權中都西路經畧靖安民治之壬
寅叛賊王公喜搆宋人取沂州丁未諭樞密院議晉安
東平河中諸郡備兵之策庚戌行省左副元帥布薩安
貞至自軍前入見于仁安殿辛亥少府少監鈕祜祿蘇
卜實言利害七事甲寅以南伐師還罷南邊州郡籍民
為兵者戊午夏人破葭州之通秦砦刺史赫舍哩旺嘉

努戰沒甲子胥鼎等各遷官賞南伐之功夏四月丙寅
朔裕宿等州置元帥府遷陝西步騎精銳六千人實京
兆戊辰遷精銳六萬分屯平涼涇邠乾耀等州庚午以
秦州防禦使鈕祜祿古爾錦行元帥府于平涼罷募民
運解鹽築京師裏城帝慮擾民募人能運致甓五十萬
者遷一官百萬升一等命侯摯董役高琪總監之甲戌
以知臨洮府事實嘉喀齊喀為元帥左都監行元帥府
事于鞏州壬午遣近侍四人巡視築城丁夫時其飲食

聽其更休督吏慘酷悉禁止之甲申詔河北州縣官止
令土著推其所愛者充朝廷已授者別議任使乙酉夏
人據通泰寨提控納哈塔邁珠擊敗之己丑林州都統
霍成以疑貳誣殺降人論罪當死元帥惟良不欲以殺
敵人誅邊將請寬其罰仍請立護送降民賞格以杜後
患帝為之赦成而命有司班賞格焉庚寅高汝礪請備
防秋之糧宜及年豐于河南州郡驗直立式募民入粟
帝與議定其法而行之辛卯夏人犯通泰寨元帥完哈

達出兵安寨堡以擣其巢至隆州夏人逆戰官軍擊之
衆潰進薄城陷其西南隅會日暮遂還壬辰以同知平
陽府事胡天作充便宜招撫使五月乙未朔鳳翔元帥
府遣兵敗宋人于黃牛等堡六月遣諭元帥哈達曰以
卿幹局故有唐鄧之委或有侵軼戰退不宜遠追第固
吾圍按續通鑑綱目載興定三年六月宋將孟宗政扈
再興合擊完顏額爾克于棗陽時額爾克圍棗陽
八十餘日至是大敗宋于是籍勇壯為忠順軍俾出沒
唐鄧間故哈達有唐鄧之委金史缺載額爾克之敗蓋
譖之以實嘉紐勒歡為元帥右都監行平涼元帥府事

詔赴遼東行省詔御史中丞完顏伯嘉行樞密院于許
州甲戌李全寇日照博興赫舍哩萬努敗之寇即墨完
顏僧壽又敗之復萊州戊寅曲赦河東南北路丁亥命
防禦使圖克坦福定等帥所部義軍與沂州民盡徙于
邳戊子遼州總領提控唐古果勒帥師復太原府詔右
司諫郭著撫諭其軍民秋七月丁酉籍邳海等州義軍
及脅從歸國者人給地三十畝有力者五十畝仍蠲差
稅充軍者日支糧二升號決勝軍時裏城久未畢功尚

書欲增調民帝慮妨農并糧儲不繼諭樞臣言是役之
興實為大計今功已過半偶及霖潦成功差遲所議增
丁夫勢必驗口不令妨農比及防秋當告成矣卿等善
為計畫無貽朕憂乙卯曲赦山東西路八月壬申帝敕
臺臣曰朕處分尚書事或至數日不奉行及再問則巧
飾次第以對大臣容有遺忘左右司玩弛臺臣當糾今
後復爾并罪卿等元兵下武州軍事判官郭秀死之中
山治中王善殺權知府事李仲等以叛元兵下合河縣

縣令喬天翼等死之乙酉命樞密遣官簡嶺外諸軍之武健者養之彰德邢洺衛濬懷孟等城弱者罷遣戍子敕侯摯諭三司行部官勸民種麥無種粒者貸之九月詔單州經畧使完顏仲屯宿州與右都監赫舍哩德同行帥府事丙申唐州從宜瓜爾佳天成敗宋人于桐柏丁酉尚書省請廣營積貯帝曰徵斂已多今更規畫不過復取于民爾防秋稍緩當量減戍兵用度幸足何至是邪甲辰元兵徇東勝州節度使伯特烏格死之庚戌

命行省胥鼎領兵赴河中壬子沿河造戰艦付行院帥
府冬十月乙丑用蒙古綱言招集義軍各置都統副統
等官如貞祐三年制丁卯以完顏開權元帥左都監郭
文振權右都監並行元帥府事己卯元兵次單州詔諸
路民避兵癸未襄城工畢宴宰臣便殿遷右丞摯官一
階右丞相琪左丞相汝礪參知政事思忠賞賚有差丁
亥元兵屯綿上壬辰命有司葺閭舍給薪米以濟貧民
十一月乙未以官驢借朝士之無馬者己亥元兵徇彰

德府戶部令史蘇唐催租封丘期限迫促民有生刈禾輸租者帝聞之杖唐五十縣令高希隆減二等尚書以希隆罰輕帝曰使臣至外路孰能不從其依前詔甲寅徐州總領納哈塔祿格大破紅襪賊于狄山丁巳右丞相高琪下獄戊午元兵下晉安府行元帥府事工部尚書鈕祜祿貞死之十二月誅高琪

四年春正月丁酉元兵下好義堡霍州刺史伊喇阿里哈等死之庚戌宋步騎十餘萬圍鄧州已而夜焚營去

招撫副使珠格伊埒圖追及之奪其所俘而還癸丑戶
部侍郎張師魯上書請遣騎兵數千及春淮蜀並進以
撓宋三月乙巳林州元帥惟良擒叛人單仲李俊誅之
降其黨盧廣己酉以李復亨參知政事珠嘉賽音行懷
孟帥府事辛亥進高汝礪為尚書右丞相監修國史李
復亨兼修國史壬子紅襍賊于忙兒襲據海州完顏辰
爾復之夏四月庚申朔詔完顏伯嘉提控防城事癸亥
安武軍節度使柴茂破紅襍賊于棗強祁州經畧使段

增順破叛賊甄全于唐縣夏人犯邊元帥實嘉喀齊喀
破之封經畧使王福等九人為郡公分河北山東地以
隸之

據續通鑑
綱目補輯

戊辰禘于太廟元遣趙瑞以兵攻孟州

提控魯德王安復大名府以巴古喇權尚書右丞左副
元帥承立為右監軍權參知政事同行尚書省元帥府
于京兆庚辰東平帥府總領提控富察善爾破紅襍賊
于聊城五月癸巳紅襍賊寇樂陵鹽山橫海節度使王
福連擊敗之張聚來寇又敗之甲午帝擊鞠于臨武殿

癸卯元兵徇陝州丙辰徇兗州泰定軍節度使完顏赫
威死之六月戊辰山東民僑居者募壯士五百人益東
晉公燕寧軍以京畿不雨敕有司閱獄釋雜犯死罪以
下丁丑元兵下大名又攻開州及東明長垣等縣庚辰
宋人方子忻來歸詔善視之毋使逃歸漏泄機事秋七
月辛卯宋人及紅襪賊犯河朔郡縣皆叛降之獨滄州
經畧使王福周守會益都賊張林來攻福乃叛降林帥
府請討之癸丑林州行元帥府遣總領嚴祿等討紅襪

賊于彰德府生擒偽安撫使王九詔李復亨與完顏伯
嘉循行郡縣勸農以烏庫哩仲端等使于元八月戊午
朔山東招撫高居實遣人招嚴實于青崖砦獲其欵以
聞李全犯東平府監軍王庭玉敗之擒其偽安化軍節
度使張林庚申高陽公張甫請增兵守冀州帝諭樞密
院民渡淮為宋軍者凡十村可追索主者懲一二以
誡其餘庚午夏人陷會州刺史烏庫哩世顯降甲戌陝
西行省奏龕谷敗夏人之捷己亥帝諭宰臣河南水灾

唐鄧尤甚其被灾州縣除其租餘止責正供和糴雜徵
並免停周歲桑皮故紙折輸免流民佃荒田者租丙子
陝西行省與夏人議和

接金已與夏議和越月而夏復來攻可知動輒議和徒然示弱

御批而不足以軒患誠如通鑑輯覽

所謂忘已之先人所以制人者即用人之受制于己之
下策而反以受制于人徒失可守之勢也謹錄識之

戊寅定遷補親軍法遣官于河南陝西遷之已卯罷葭州招撫司壬午陝西路行省承
裔奏定西州之捷丙戌徙隨路諸軍戶于河南南京東西
南路各設檢察使副恒山公武仙叛降元九月戊戌元

穆呼哩駐軍真定置總領元帥府于歸德以壽州陳留兩鎮兵屬之壬寅宋人軍皂郊堡行軍提控完顏伊都擊敗之元遣達呼等來癸卯夏人遣使如宋趣進兵夾

攻

按續通鑑綱目載興定四年九月夏人圍鞏昌遣人如宋趣兵夾攻宋史亦載程信王仕信引兵與夏人

會于鞏昌城大金國志亦載西夏引兵圍鞏昌趣宋師夾會金史缺載茲補輯又據宋史載九月辛卯夏人引兵圍鞏昌此云癸卯夏人引

人來侵二書時日亦異

甲辰滕州招捕提控夏義勇討

紅裨賊敗之乙巳以參知政事李復亨提控芻糧事已

酉夏人陷西寧州尚書省都事布薩訥木舍布坐誅駢

馬都尉圖克坦壽春奪官一階杖六十甲寅宋人出秦州會夏人侵定西州丙辰鞏州行元帥府事實嘉喀齊喀敗之冬十月壬戌元遣蒙古達呼額哩埒等來已卯陝西東路行省奏綏德州之捷紅襍賊寇泗州庚辰帝擊鞠于臨武殿辛巳授紅襍賊時青勝陽公本處兵馬總領元帥兼宣撫癸未京西山寨各設守禦使副令本路帥府總之諭陝西行省圖復會州帝擊鞠于臨武殿十一月丁亥元兵入濟南嚴實以魏博等郡降之元兵

進屯黃陵岡

按元將穆呼哩以興定四年九月屯軍真定十一月以輕騎入濟南烏庫哩沙琿等

襲之于黃陵岡為所敗進圍東平金史止載屯真定圍東平而未載其入濟南屯黃陵岡似于下文黃陵岡經畧使烏庫哩沙琿以失律伏誅原委未晰茲據續通鑑綱目補輯易水公靖安民為其

下所殺戊子黃陵岡經畧使烏庫哩沙琿等以戰陣失律伏誅戊戌詔復衛紹王王爵仍加開府儀同三司乙巳詔柴茂權真定元帥左都監蓋仁貴攝右都監元穆呼哩圍東平十二月甲戌祈雪禮部郎中權左司諫穆延呼喇勒上封事戊寅詔軍官許月擊鞠者三次以習

武事庚辰臘享于太廟乙酉鎮南軍節度使溫特赫思
敬上書言錢幣稅賦二事

五年春正月壬辰議禦西夏及征南事諭皇太子以東
平禦敵方畧甲午諭樞密院南伐事更當詳議其便詔
揆衛王事跡如海陵庶人例丁酉元兵攻天井關戊戌
宋人襲泗州西城提控王祿死之乙巳詔諸道兵集蔡
州伐宋庚戌山東行省奏東平之捷二月丙辰朔置招
撫司于單州曲赦東平府庚申下詔伐宋以內族惟弼

權同簽樞密院事行院于中京沃呼哈達權蔡息行元
帥府右都監納哈塔降福權宿州行院簽樞密院事富
珠哩達哈權唐鄧行元帥府右都監完額額琳副右都
監戊辰罷懷州行元帥府復置招撫司與孟州經畧司
並受中京行樞密院節制辛未布薩安貞以兵出息州
破宋人于淨居山寺拔黃土闢秦酉以旱灾曲赦河南
路丙子禁京城兵器元帥赫舍哩約赫德破宋兵復泗
州進逼濠州至渴口乏糧而還三月丙戌朔帝御仁安

殿祈雨仍望祭于北郊庚寅衆人圍唐鄧完顏額琳力
戰却之前鄧州千戶富珠哩摩囉歡自拔歸國額琳以
便宜遷三官授同知唐州事乙未罷河南路行三司丙
申進圖克坦思忠尚書右丞兼修國史以布薩毅夫為
參知政事帝以近侍局多不留心采訪外事命宰臣照
章宗時秩滿以所采事定升降預為攷覈之法以激勸
之己亥叛人竇趙兒招夏人入據來羌城富珠哩和卓
攻拔之夏四月己未山東行省蒙古綱言東莒公燕寧

戰敗而死所居天勝砦衆無所歸變在朝夕權署提控
孫邦佐為招撫使洪果烏頁為總領以撫其衆敕有司
議之丙寅布薩安貞破宋黃蘄等州壬申俘宋宗室男
女七十餘口獻于京師五月甲申朔日有食之戊戌宋
人據楚丘官軍復之庚子納喇吉遜伏誅壬寅陝西元
帥完顏薩布遣使來獻晉安平陽之捷御史烏庫哩呼
嚕劾其縱將士鹵掠帝以薩布有功詔勿問癸卯唐州
守將額琳與宋人戰敗績反以捷聞御史納喇發其事

帝不之罪癸丑東平內徙命蒙古綱行省于邳州王庭
玉行帥府于黃陵壘六月甲寅朔尚書省奏駙馬都尉
安貞反狀帝謂英王守純曰國家誅一大臣必合天下
後世公議其令覆按之乙丑遣使諭晉陽公郭文振上
黨公完顏開各守疆土同心濟難毋以細故啓釁端誤
國事戊寅安貞伏誅秋七月己亥義勇軍叛據碭山縣
庚子詔增給徐州清口等處戍兵衣糧己酉碭山賊夜
襲永城縣行軍副總領高琬敗之命蒙古綱并力討捕

辛亥單州招撫劉瓊乞移河南糧濟其軍詔給之八月
壬子朔罷黃陵岡招撫司帝諭尚書省給碭山叛軍家
屬糧毋傷其生又諭樞密曰河北艱食民欲南來者日
益多速令渡之毋致殲死癸亥林懷帥府邀擊紅襪賊
于伏恩村敗之甲子詔南征潰軍復歸而能力戰者依
出界立功格賞之乙丑宋人掠沈丘殺縣令甲戌命有
司除逋戶負租毋徵見戶九月甲申以京東歲饑多盜
遣御史大夫赫舍哩呼寶默為宣慰使往撫安之戊子

增授隰州招撫使軒成官改授西省節制冬十月癸丑
命布薩毅夫行尚書省于京東督諸軍芻糧戊午遣親
軍討河南羣盜辛酉元兵攻綏德州夏人以兵附之

是按

時元兵侵夏夏主宴之且遣其將塔海斡布將兵五萬
屬焉元兵遂取葭州又殺德州蓋夏人不惟約宋會攻
且已屬附于元矣金史失載茲據續通鑑綱目補輯

壬戌夏人侵龕谷丁卯夏人

犯定西積石之境戊寅分京畿戌卒萬二千河中民兵
八千以許州元帥赫舍哩鶴壽將之屯潼關西十一月
癸未陝西東路行省奏安寨堡敗夏人之捷甲申諭太

府減損食品庚寅募民興南陽水田乙未夏人攻龕谷
宋人攻蘄縣紅襪賊掠宿州辛丑詔蠲徐邳宿泗等州
逋租官民有能墾闢閑田除來年科徵歸德毫壽潁停
閭逋戶租外仍蠲三之一逋戶田廬有司募民承業禁
其毀損以俟來復壬寅宋人焚潁州執防禦判官而去
元兵攻延安元帥哈達邁珠及其將士擊敗之加賜賞
賚仍下詔獎諭十二月辛亥朔元兵下潼關京兆壬子
罷辟舉縣令法丁巳烏克遜仲端安庭珍使北還各遷

一階庚申罷河南義軍丁卯詔罷新簽民軍減樞密院
掌兵官及京城戍兵仍諭行院帥府毋擅增設補簽辛
未罷行總管府及招討統軍檢察等司定宋人來歸賞
格及詐誘征防軍人逃亡罪法閏月辛巳朔元兵徇廊
州完顏祿錦赫舍哩鶴壽富察羅索鈕祜祿資祿皆死
之乙酉提控珠嘉耀珠破沈丘賊于陳瓦丙戌頒詔撫
諭河南土寇己丑孫瑪及捕盜官烏肯徹招降泰和縣
賊二千人訖斬其首惡餘皆釋之同知保靜軍節度使

郭澍以徵糧失期誣殺平民坐誅辛卯官軍復葭州癸巳通遠軍節度使富珠哩和卓削官丙申紅襍賊夜入蒙城縣軍民死者甚衆己亥發兵捕京東盜并撫諭百姓壬寅發上林署粟賑貧民陳毫等州鹿邑城父諸縣盜並起趣樞府遣兵討之捕盜軍所過殘民遣御史按視己酉更造興定寶泉每一貫當通寶四百貫

元光元年春正月元帥惟弼破紅襍賊于張騫店壬午遣官墾種京東西南三路水田甲寅詔陝西西路行省

徙京兆者兵退還治平涼防州刺史巴延實喇以棄城
伏誅鄭州防禦使費摩揚格同知防禦使爪爾嘉實倫
並除名西面節度使巴古珠奪官一階壬辰詔徙中京
唐鄧商號許陝等州屯軍及諸軍家屬赴京兆同華就
糧屯二月乙酉陝西路行省請以厚賞募河西諸蕃
部族寺僧圖復大通城命行省樞密院籌之癸巳帝諭
宰臣宋人攻平輿襄信我師力戰却之事狀已詳若俟
帥府上功然後推賞豈急于勸獎之道其遣清望官齋

空名宣敕覈實給之甲辰帝念鄜延被兵又延安受圍
嘗發民粟給軍訖除延安鄜坊丹葭綏德稅租仍令有
司償其粟值戊申恒州軍變萬戶呼延械等肆殺掠焚
廬舍而去己酉遣額爾克行元帥府事節制三路軍馬
伐宋時全行院事副之三月辛酉宋人掠碓山縣之劉
村戊辰樞密院委差官賈天安上書言利害壬申御史
劾圖克坦思忠以病馬輸官冒取高價有司以監主自
盜論死帝顧惜大體降授陳州防禦使癸酉提控李師

林敗夏人于永木嶺郭文振表近得俘者言南北合兵
將攻河南陝西詔樞密備禦夏四月辛巳以額爾克簽
樞密院事置大司農司設大司農卿少卿丞京東西南
三路置行司並兼採訪事壬午元兵攻陵州縣丁酉削
林懷路行元帥府事惟良官兩階罷之更定辟舉縣令
之法而復行之戊戌籍丁憂待闕追殿等官以備防秋
丁未行樞密院奏淮南之捷五月戊申朔元兵屯陽吉
翼等州壬戌額爾克時全與宋人戰敗績甲子鐫額爾

克兩階責以後效丁卯召致政胥鼎等官赴省議利害壬申時全伏誅六月戊寅朔造舟運陝西糧由大慶關渡抵湖城癸未大赦陳州防禦使呂子羽坐乏軍興自盡制諸監官及八品以下職事丁憂待闋任滿遙授者試補侍衛親軍命各路司農司設捕盜方畧丁酉紅襪賊掠柳子鎮提控張瑀追擊奪所掠而還偽監軍王二據黎陽縣提控王泉討之復其城秋七月丙辰上黨公完顏開復澤州己未歸德行樞密院王庭玉奏曾州破

紅禹賊之捷庚申定監當官遷法河北羣盜犯封丘開
封界令樞密院禦捕戊辰紅禹賊襲徐州之十八里砦
又襲古城桃園官軍破之八月丁丑定西征將士官賞
有差甲申增定藏匿逃亡親軍罪及告捕賞格例積石州
蕃族叛附于夏鞏州提控尼瑪哈薩蘭討之獲三千口
進尚膳詔却之改元大赦帝謂宰臣曰赦書已頒時刻
之間人命所係其令將命者速往計期而至以巴圖魯
為參知政事癸巳河間公伊喇重嘉努高陽公張甫復

河間府夏人入德順九月丙午朔諭陝西行省備邊乙
卯議經畧淮南己巳宋人掠遂平縣之石砦店復侵南
陽唐州提控瓜爾佳玖珠敗之冬十月丁丑夏人掠德
順之神林堡壬午宋張惠攻零子鎮鄂爾多擊敗之河
中府萬戶孫仲威執其安撫使阿布哈呼喇勒據城叛
陝西行省討平之癸未復曹州按續通鑑綱目載宋連
年十二月降元元穆呼哩使治曹州金復曹州殺石珪
而大金國志載宋連水忠義統轄石珪來歸是珪始則
棄宋投金繼而背金降元又為元守曹州金人復之珪
亦見殺金史于珪降及復曹州殺珪事俱未載附識于

此

甲申帝獵于近郊詔免百官送迎且勿令治道以勞百姓庚寅徙彰德招撫使杜先軍于衛州己未元兵下臨晉甲辰京兆官民避兵南山者多至百萬詔兼同知府事完顏霆等安撫其衆十一月丁未元兵徇同州定國軍節度使李復亨同知定國軍節度使額爾克死之甲寅京東總帥約赫德破宋兵于臨淮戊辰元兵攻鳳翔府十二月乙亥朔帝謂皇太子曰吾嘗夜思天下事必索燭以記明而即行汝亦當然以河中治中侯孝順

權元帥右都監事許便宜行事乙酉遷史詠龍虎衛上將軍賜號守節忠臣權行平陽公府事丁亥疊州總管青伊克卒特命其子角襲職詔諭近侍局官曰奉御奉職皆少年不知書朕憶曩時置說書人日為講論自古君臣父子之教使知所以事上者其復置己丑蘭州提控唐古昉敗夏人于質孤堡元兵攻鳳翔

二年春正月乙巳元兵下河中府權元帥右都監侯孝順復之壬子壽州防禦使完顏鶻爾奪官四階戊午李

奇嚙以罪罷宰臣請羈以散地帝曰此輩豪傑正湏誠
待若以術制適使自疑但不界軍政外補何患乃授恒

州刺史詔罷丁憂官入粟起復令丁卯元兵復陷河中
府二月壬午詔軍官犯罪舊制更不任用今多故之秋

人才難得除大罪外有武藝善掌兵者量才復用丁亥

大赦己亥鳳翔圍解寶嘉喀齊喀完顏仲元各升賞有

差三月

接大金國志載元光二年三月張琳所部
邢德復叛歸于宋而宋史不載金史亦缺

甲辰

朔宋人襲汝陽癸丑以河中府推官嘉勒幹權元帥右

都監總領侯孝順軍甲寅帝謂宰臣曰人有才堪任事
其心不正者終不足貴丞相汝礪對曰其心不正而濟
之以才所謂虎而翼者也雖古聖人亦未易知帝然之
以戶部尚書寶嘉烏紳為參知政事兼修國史壬戌詔
以鳳翔戰功及頒賞等級徧諭諸郡甲子以完顏伯嘉
權參知政事行尚書省于河中府辛未詔職官犯罪非
死罪除名遇赦幸免有才幹者中外並用夏四月癸酉
朔復霍州汾西縣丙子設京兆南山安撫司丁丑鳳翔萬

戶完顏綽哈以死節贈懷遠大將軍已卯遣官閱河南
帥府見兵籍閒官豪右親丁及遼東河北客戶為軍庚
子募西山獵戶為軍五月癸卯朔始造元光重寶及元
光珍貨同銀行用丙午復河中府及榮州遣人持檄招
前恒山公武仙及東平嚴實已卯權平陽公史詠復霍
州及洪洞縣已未參知政事毅夫言脅從人稱忠孝軍
在沿淮者所為多不法請防閹之帝曰人心無常顧馭
之何如爾馭之有術遠方猶且聽命况此輩乎不然雖

左右亦難防閑正在廓開大度而已若是而不能致太平者命也庚申簽河南路寄居民官充軍六月乙亥京東總帥奏淮南之奏戊子議遣人招李全嚴實張林甲午詔罷河中行省置元帥府辛丑遙授靜難軍節度使延扎哈瑪爾等以保鳳翔功進官秋七月壬寅朔夏人犯積石州羌界等族多陷沒惟臧博寺僧堪布扎巴薩美及達那寺僧班珠爾等拒而不從詔賞諸僧鈐轄正將等官給以廩祿乙巳遣兵守衛解州鹽池壬子除市

易用銀及銀與寶泉私相易之禁癸丑敕諸御史曰瑣
細事非人主所宜詰然凡涉奸弊靡不有闕國政者比
聞朝官及丞應人月給俸糧多雜糠土有司所收曷嘗
有是物哉至于出納斗斛亦小大不一此皆理所不容
者而臺官初不問事事湏朕言之安用汝曾也丁巳揚
布族之古渠們等叛歸夏元帥瓜爾佳瑞發兵討之以
捷聞御史中丞師安石言制敵二事乙丑詔籍陝西路
僑居官民為軍八月辛未朔邳州從宜經畧使納哈塔

祿格等殺行尚書省蒙古綱據州以叛壬申詔賞京兆
路官軍保全南山諸谷之官甲戌遣官招諭納哈塔祿
格以拒命詔約赫德合行院兵討之乙酉詔能捕獲反
賊祿格者除見定官外仍與世襲穆昆丙戌遣官分行
蔡息陳毫唐鄧裕諸州與州縣官同議凡民丁相聚立
砦避兵與各巡檢軍相依五千戶以上置砦長一員百
戶增副一員能安民弭盜勸農者論功注授九月庚子
朔日有食之宋人入壽州鈕祜祿博諾力戰却之壬寅

樞密院奏提控珠嘉算綽和破宋人之功甲辰宋人攻
南陽丙午約赫德奏桃園淮南之捷并以納哈塔祿格
南結李全之狀來告戊申來降人孫邦佐自李全軍中
歸遙授知東平府兼山東西路兵馬都總管官軍與宋
人力戰于胡陂却之提控珠格綽爾死于陣癸丑納哈
塔祿格所置偽都統烏庫哩賽罕爪爾佳瑠珠等來歸
己未贈珠格綽爾銀青光祿大夫丙寅扎木雅呼嚕等
拔邳州南城丁卯權御史中丞師安石等劾英王守純

不實付有司鞫治尋詔免其罪仍責諭之冬十月乙亥制行樞密院及元帥府農隙之月分番巡徼校獵月不過三次丁丑帝獵于近郊已卯祫于太廟辛卯詔石壕店沔池永寧縣各屯兵千人壬辰驟州人時明謀反伏誅戊戌唐鄆行元帥奏淮南之捷十一月己亥紅襍賊偽監軍徐福等來降詔進約赫德官一階辛丑總帥約赫德奏邳州之捷函祫格首以獻丙午邳州紅襍賊三千來降初議置諸陳許之間帝以為若輩家屬尚在河

朔餘黨必殺之所得者寡而被害者衆不若加以官賞
而遣之還果忠於我雖處河朔必不負我且令餘衆感恩
將有效順者戊午以上黨公完顏開之請諭開及郭文
振史詠王遇張道盧芝等各與所鄰帥府相視可耕土
田及瀕河北岸之地分界而種之以給軍餉以空名宣
命金銀符給完顏開賞功辛酉鞏州行元帥府奏會州
破夏人之捷十二月己巳朔徙沿淮巡檢邊軍于內地
辛巳詔延安土人充司縣官義軍使者選人代之量免

其民差稅邳州民丁死戰陣者各贈官一階歸德徐邳宿泗永毫潁壽等州復業及新地民免差稅二年見戶一年嘗供給邳州者復免一年之半睢州陳留杞縣免三之一丁亥帝不豫庚寅崩于寧德殿年六十一謚曰繼天興統述道勤仁英武聖孝皇帝廟號宣宗陵曰德陵

宣宗貞祐四年興定五年元光二年凡十一年

欽定續通志卷五十五